

Enformaziuns y Comunicaziuns

Crejimandi: En sabeda ai 25 d'aurí èl le pelegrinaje dai Crejimandi y familiars en Jênn. An s'encunta ales 14.45 ia Tlûses, olache an pëia sô, por jí sô deboriada a pè.

Prozesciun: En domëgna ai 26 d'aurí vëgnel tigní na prozesciun y funziun por vocaziun por dōta la Val Badia. An pëia ia ales 14:00 da dlijia de Badia demez, por jí čina sô Oies.

Pelegrinaje: Vëdoes, vëdoi y porsones sores è enviës al pelegrinaje a Glurns, ai 25 d'aurí. Iade y marëna costa 36,00€. Le bus pëia ia ales 7:40 a San Laronz. Prenotaziuns čina ai 22 d'aurí pa Tresele al 0474/501397 o pal ofize KVV da Bornech al 0474/411149.

Jogn: Le Sorvisc ai Jogn organisëia te vigne comun na sëra d'enformaziun y discusciun sön temesc co reverda la jonëza. Al tol pert candidat da ombolt y dui candidat jogn de vigne lista. Por le comun de Mareo èl en vëndres ai 24 d'aurí ales 8 da sëra, te salf dles manifestaziuns. Moderaziun: Diego Clara. Dōta la popolaziun è enviada.

Curs: La Uniun dles Ėres con le Consëi de Formaziun organisëia en curs da cujiné vegetarian con le cogo Stefan Kuprian, ai 5 y 6 de mà ales 19:30, ta Runcac (Waldruh). Al è da s'anunzié anter i 2 de mà pa Annamaria de Lex al 334/6102551. Le numer de partezipanc è limitè.

Referat: En dëdölönesc ai 21 d'aurí ales 8 da sëra èl te Čiasa de Palsa ta San Martin en referat sön le mé de če, con le neurologh Gregorio Rungger. Al gnarà baié dles sorts de mé de če, de sintoms, terapias y prevenziun.

Enteressonza de Fanes: En domëgna ai 26 d'aurí ales 11:00 danmisdé, èl tla Gran Čiasa a La Pli la sontada dla Enteressonza de Fanes.

SC Mareo/1: Le SC Mareo pita en program sportif por ëi y ëres dai 16 agn ensö, con ativët desco nordic walking, roda y tennis. Pröm iade en lönesc ai 20 d'aurí ales 18:00 ete dal čamp sportif. Chi co à mazes da jí a pè dess s'les tó dō. Le program va ennant fina ai 29 de mà, 2 iadi al'edema (lönesc y jöbia). Cost: 70,00€. Enformaziuns plü monüdes ciafun pa Marco Mutschlechner al 338/4274261.

SC Mareo/2: Al vën motü da jí encuntades de sport y divertimont por mituns dles prömes 3 elementares. Pröm iade en dëdölönesc ai 21/04 por jí ennant vigne dëdölönesc y jöbia čina ai 21 de mà, tres dales 15:15, ete dal čamp dal sport. Iscriziuns le pröm dé. Cost: 50,00€ a če. Enformaziuns ciafun pa Marco Mutschlechner al 338/4274261.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.

Comunicaziuns - čina al dëdmesaledema sëra - da mené a: Pablo Palfrader

Tel. 333 4762010 Mail: ploaniaalplan@gmail.com

Download plata: www.comun.mareo.bz.it o inće www.valbadiaonline.it



La plata de

Ploania

E-Mail: ploaniaalplan@gmail.com - Radio de Ploania: 93,00 MhZ
Telefönn y fax de calogna 0474/501006

Terza Domëgna de Pasca, ai 19.04.15 - nr. 21



Al ti à daurí l'intelet che ai capiss les Scritöres

Dal Vagnele do San Luca 24, 35 - 48

⁴¹Ai se fajea demorvëia, mo dla ligrëza n'èi nia čiamó bogn da creïe. Danlò à Gejú dit: Èise val' da mangé atlò? ⁴²Ai ti à dé en tòch de pësc praté; ⁴³al l'à tut y l'à mangé dan sù edli. ⁴⁴Spo ti àl dit. Cöstes è les parores, ch'i ves à dit, canch'i ea čiamó pa os: Döt mës s'ademplí či co è scrit de me tla lege de Mosè, pai profec y tai salms. ⁴⁵Sön chëra ti àl daurí l'intelet ch'ai capiss les scritöres. ⁴⁶Al ti à dit: Ensčio stàl tla Scritöra: Le Messia

sofriarà y resoriarà dai morc le terzo dé, ⁴⁷y te so ennom ti encündaràn a duc i popui, metenn man te Ierusalem, ch'ai dess dé ota, por che sù picës vëgni pordenës. ⁴⁸Os sëis de cösc mi testimoni. **Parora dal Signur. - Lalt a té, Gejú Crist!**

Foto: Tillmann

In den
Wunden
der Welt



Die Jünger erkennen den auferstandenen Jesus auch an seinen Wunden. In den Wunden der Welt können wir ihm heute begegnen: an den Rändern der Gesellschaft, bei den Ausgestoßenen, den Gescheiterten, den Verletzten. Auferstehung heißt, die Wunden der Leidenden zu berühren und mit Liebe zu heilen.

Reflesciun sölë Vagnele

Tres endö vëgnel cunté che Gejú Crist Rosserí aparësc amesa i discepu i ete. Empröma mësset i baié sô y i porté a creïe che al è veramonter èl. Al mostra söes plaies, al mangia dan sù edli en tòch de pësc, al ti recorda či che al à dit. Y spo vëgnel le plü emportant: al ti daür i edli. Chël è en comportamont tipich de Gejú. Al ti scinca prospetives nees ai vërc y a chi co ne capësc nia. Le Rosserí ampliëia nosta conescionza, al se dëida odëi plü sot y capí miú či che Chël Bel Dio ô arjunje pa nos, de či che ara ti an va con sôa atenziun. Capí la Sacra Scritöra ô dí reconësc Chël Bel Dio. Sunse pa nos inće testimoni aladô? (Messbuch 2015 Butzon - Bercker)

Domëgna: 19.04: III° Domëgna de Pasca: Lk 24,35-48



Lön. 20.04:

Oferta por i bojügnis dla Ploania

8.30: Gran mëssa a La Pli

9.30: Funziun dla Domëgna: Pasca

10.00: S.M. por dōta la Comunità

13.15: Funziun dal Bato, Tobias Rindler

Feria dla 3. Edema dō Pasca: Sa.Oda, S.Wilhelm

7.20: S.M. por +nta Mutschlechner Rosina dal Bagn

S.M. por +nt Sergio Miano Pens.Genziana

S.M. por +nc' Otilia y Emilio Castlunger

S.M. por les Püres Animes dal Purgatorio

Dédol. 21.04: S.Konrad de Parzham, S.Anselm da Canterbury

7.45: S.M. a La Pli

Dédem.22.04 Feria dla 3. edema dō Pasca: S.Caius, S.Meingoz

18.00: S.M. por +nc' Lois y Nina Oberbacher dal Lehrer

S.M. por vīs y +nc' dla Fam. Terrabonda, Stofl da Val

S.M. por +nc' geniturs Prousch y Perathoner

Jöbia 23.04: Feria dla 3. edema do Pasca: S.Adalbert, S.Iorz

19.30: S.M. a La Pli

Vëndr.24.04.: Feria dla 3. edema do Pasca: S.Fidelis de Sigmar

7.10: S.M. por i scolari

S.M. por +nta Zilia Palfrader de Fordi

S.M. por +nc' prei Sig.Bruno Maioni y Sig.Giov.Co.

S.M. por +nc' Fighile, Mima y Franz Ties da Ras

15.00: Ora de oraziun y adoraziun

Festa de S.Merch vangelist, S.Ermin, Sa.Franca

7.30: S.M. a La Pli

N.B.:

Por i Crejimandi: pelegrinaje en Jenn, encuntada con la Badessa

17.00: Poscibilitè da se pissiè

18.00: S.M. por +nt Paul Obojes de Gorghe

S.M. por +nt Hermann Craffonara

S.M. de rengr.en onù dal Cör de Gejù y Maria
por Fam. Frontull Carlo y Wally

S.M. aniv. por +nta Zingerle Kehrler Maria

Domëgna 26.04: 4° Domëgna do Pasca: dal Bun Famèi

Oferta por i bojügnis dla Ploania

8.30: Gran Mëssa a La Pli

9.30: Oraziun por vocaziuns Sacerdotes y Spirituales

10.00: S.M. por dōta la Comunità por les Vocaziuns y Sorvìsc
tla Dlijia: - Laici



La Ploania d'Al Plan ti aoda dōt le bun, sanité y benedisciun
ai geniturs **Ivan Erlacher y Carolina Gabrielli**
por le Bato de picio **ELIA**,
y ai geniturs **Christian Rindler y Marlies Unterberger**
por le Bato de picio **TOBIAS**.

LA PRÖMA PÈSC

La pröma pèsc, la plö emportanta,
è chëra co se lascia jö tal cör dles porsones,
sc'ara vëiga ete y reconësc so lian,
söa armonia con l'univers,
che le gran mistër abitëia tal zënter dal monn.
Y che cōsc zënter è veramonter endlunch:
Al è te vignönn de nos.
Cōsta è la dërta pèsc.
Dötes les atres è ma en so reflès.

La secunda pèsc è chëra
co vëgn fata ennanter vigne singul.

Y la terza è chëra danter i popui.

Mo i dësses dandadöt odëi,
che la pèsc ennanter i popui ne vëgn
mai a s'al dé,
sce la pröma pèsc n'è nia danman:
Chëra co abitëia tal cör dles
porsones.

W. B. E.

D. Groß



Jesus geht aufs Ganze

Er zeigt sich als Lebendiger mit Händen und Füßen, mit Fleisch und Knochen. Und als die Jünger immer noch nicht glauben wollen, weil ihnen der Glaube ans Leben vielleicht zu anstrengend ist, und Trübsal leichter scheint, nimmt Jesus ein Stück gebratenen Fisch und isst ihn vor ihren Augen. Leben, heißt das, Leben ist teilnehmen, Essen und Trinken, für Leib und Seele sorgen – für den eigenen Leib und die eigene Seele wie für Leib und Seele anderer. Leben ist nie der Rückzug vom Leben. Leben ist das Ganze. Nun erst beginnen die Jünger zu begreifen. Werden buchstäblich hellhörig, öffnen ihre Sinne. Und Jesus legt ihnen in alle ihre Sinne den Sinn des Ganzen.

Sorvìsc dai Ministrón

Lönesc 20/04 (07:20h); Dédemesaledema 22/04 (18:00h), Vëndres 24/04 (07:10h): Herbert y Artur Piazza;

Sabeda 25/04 (18:00h): Maria y Matteo Huber, Giada Regis, Susanna Kastlunger, Mara Rungger;

Domëgna 26/04 (10:00h): Lucia, Vanessa y Max Obwegs, Max y Philip Palfrader, Mark Kastlunger;

